

اداره مخصوصه

درسعادتده باب عالی جاده سنده

محل اداره :

# مُشَاطِقَاتُ

۱۳۲۶

اخطار :

سلکمنزه موافق آثار جدید مع المنوینیه  
قبول اولنور  
درج ایدلهین آثار اعاده اولنور

دین، فلسفه، علوم، حقوق، ادبیاتدن و سیاسیاتدن وبالخاصه کُرک سیاسی و کُرک اجتماعی و مدنی احوال و شئون اسلامیهدن  
بحث ایدر وهفتهده بردفعه نشر اولنور.

درسعادتده نسخه سی ۵۰ پاره در

قیراهدن مقوا بورو ایله کوندربلیرسه سنوی  
۲۰ غروش فضله آلنیر

درسعادتده پوسته ایله کوندربلیرسه ولایات بدلی اخذ اولنور

تاریخ تأسیسی

۱۰ تموز ۳۲۴

صاحب و مؤسسلری :  
ابوالعلا زین العابدین — ح. اشرف ادیب

| سنه لکی | التی آیلنی | غروش | ولایاتده       |
|---------|------------|------|----------------|
| ۸۰      | ۴۰         | »    | ممالک اجنبیهده |
| ۸۰      | ۴۰         | »    |                |


عدد : ۵۲

۱۷ شعبان ۳۲۷ پنجشنبه ۲۰ اغستوس ۳۲۵

ایکینچی جلد

هانکیلرینه مالک اولدیغنی ، حسیات دینیہ سنی جامعلرینی مکتبلرینی اوکره بیلهلم . . . صوکره غلطاتی اصلاح ، نواقصنی اکیال چاره لرینی دوشونولم . . . دوشونولم . . . مشیخت جلیله اسلامیه نك ، اوقاف نظارتنك ، دارالخلافه العلیه عامای کرامنك ، مؤنمر جلیل اسلامك بالطبع ده ااطهلی ده ااساسلی دوشوندیکی ، دوشونوچکی بومسئله بی بو قدرله کسره نك نتایج فمایه سنه انتظار ایدرم وموفقیتی تا کریمدن دیلرم .

بیروت م . علی منیر



### دبره قونفره سندن بری اوراق

مابعد

بکن نسـخه ده حافظ علی افندیك اصلاح مدارس حقنده کی مطالعات محقانه سی یازلمشدی . بردفعه مدرسه لرك کیفیت اصلاحی عالم اسلامیت و انسانیت نقطه نظر نیجه نه درجه واجب الاجرا بر امر مهم دینی اولدینی براییکی مثال ایله توضیح و اثبات اولنه جقدر . حکومت معظمه عثمانیه من مختلف الاجناس والمذاهب عناصردن تشکیل ایتمش ایسه ده حکومت مشارالیه انك بانی معظمی عثمان غازی کی بر موحد تقوی شعار اولمسندن حکومت ده بالطبع اولام نامی به اضافه (عثمانیه) ومنتسب اولدینی دین عالی به نسبت دخی (اسلامیه) در .

بر حکومتك امور مذهبیہ سی ایسه علما وفلاسفه روحانیه سنك تکامل فیض و عرفانی وبویله صاحب کالات اولان علمانك ادراکی ده منشأ فیوضات ومدنیات اولان مدارسك بر آن اول تکمیلله اوله بیله چکی وبرجات اولان بر انسان کاملك کرک امور دنیویه کرک امور دینیہ سنده کامیین ومسعود اوله بیله چک بر حال ایله یشایه بیلمسی ایچون هراییکی خصوصده بهره مند فیض ومعالی اولسی ایجاب ایده چکی شبهه سزدر . هر هانکی جهتی نقصان ایسه سعادت حال ایله اصرار حیات ایدمه چکندن ابدی الدهر بر عذاب وجدانی ، براضطراب منوی ایچنده از یلوب قاله جنی طبعیدر .

هراییکی جهتی بر صورت متکامله ده جامع اولان بوجود قیمتمدار تشبث ایده چکی هرکاره بر انشراح تام ایله حسن نتیجه ویره رک عمری اولدجه بختیار یاشار .

دارالفنون مثابه سنده بولندجه اوکی مدارسدن نشأت ایتمش اولان اسلاف وزرا وامرا ایله — خوارق عادتدن اوله رق بر ایکیسی استثنا ایدیلنجه — بسبتون امی ویاخود فضل وکالی محدود اولانلرك تدویر امور حکومت خصوصنده کی فرقلری دخی البت صحائف توارینخده کال وضوحه کورلمکده در .

بری احمد دیکری داود کی هراییکیسی ارناؤود فقط بری فاضل دیکری جاهل ایکی صدر اعظم بیننده کی فرق عظیمه اجراآت جهتیله برنجیسنك فتوحات نادره سی ، ایکنجیسنك ارتکابات رذیله سی انظار مقایسه به آله جق اولور ایسه بری ملک سیرتنده بر فاضل بر

اولان دین مبینمرك اوچیوز ملیون منتسبی اساس ومبدأ اعتباریله بر تربیه ده ، بر حسده ، بر سویه فکریه ده بولمنسنه تشبث ایلمك انسانیت نقطه نظرندن ، دین نقطه نظرندن لازمی ، دگی ؟ لازمه بوندن مسئول کیمدر ؟

نهمز اکسیك ، پاره مزمی ؟ زکات ، اوقاف . . . بوخزانی علوم اجتماعیه متخصصلرندن برینه کوستروب بوکونکی وضعیتمزی حکایه ایله نك نلر دیمز . . . لاحول ولاقوة . . . دیمك که اکسیكك تشبثمزه ، علممزه ، عالمه وقوفزده ایتمش . . .

ای عالم اسلام ، بن عجزمله اکلا یورم که استقبالك دین طبعیسی (موحد) لکدر ، انکشافات دماغیه ، حسیات روحیه ، قواعد فیه شکل وقوتنده تجلی ابتدکجه نوع بشر حقیقت اسلامیه دوعرو ایلرله مش اولیور . . .

ای عالم اسلام ، سنده بر عکس العمل یاپ . اوچیوز سنه لك خواب غفلت الویرر سکادوغرو ککن استقبال ایچون سنده وظیفه کی یاپ . . . بزده دین اسلامك یالککن اسماء دکل ، فکراً ، روحاً حقیقی اولادلری ، دین اسلامه لایق هیئات اجتماعیه افرادی اولغله افتخار ایدلم .

قرون وسطی ده اسلامیت علیهنده نلریازیلمدی ، نلرسویلمندی دماغ بشر ، کالانه دوعرو صعود ابتدکجه اوهموملرده تخفف ایتدی ولاینقطع ایدیور . فقط بو ، بز مسلمانلرك اشتغالات دماغیه سی نتیجه سی دکل ، قانون تکاملك ، استکنانه حقیقت میل طبعیسنك ایجاب ایتدر . . . باری مسلمانلرك علویتی ، مسلمانلرك عطالت ومسکنتی انخسافه اوغراتیور دیدیرتمیهلم . شیخ الغلایینی افندی حضر تلرینك [الدین الاسلامی واللورد کرومر] نام مدافعه نامه سنده لورد قرومره سرد ایتدیکی حقایق دائره سنده مسلمان ، فملاً مسلمان اولالم .

چاره سی ظن ایدرم که انحق مدرسه لریمزك اصلاحی ، دارالعلوملر کشادی ، عالم اسلامه روح انتباه تلقینی ومقتیلک ، قاضیلک ، اماملق ، خطیلک ، واعظلق ، معلمك ، مدرسك وامشالی کی یا بالذات یا بالتبعیه دینه تعلقی اولان وظائفك مطلقاً بو دارالعلوملردن وبویله مدرسه لرین مأذون علمایه تخصیصی وهرباشی صاریق لینك عالم طائفسی زمانه نهایت ویرلدیکنك بیانمسی ایله قابلدر . وبو تشبث ، بومسئله یالککن عثمانلی مسلمانلری دکل ، بتون عالم اسلام نظر دفته النهرق دوشونیه چک . حل اولنه جق بر مسئله حیاتیه ، بر مسئله دینیه در .

آه نه اولوردی علمای کرامدن بر قاجی بریره کلوب ده مثلاً (اون اوچنچی عصر هجری شمسیده عالم اسلام) ویاخود مثلاً (عصر حاضر مسلمانلری و تربیه فکریه واجتماعیه لر) ویاخود وساده جه (عالم اسلام) نامیله فی اجتماعی تاریخی بر اثر وجوده کتیرسلر وهر لسانه ترجمه ایسلر جهان داغیتسلر بر بریمزدن خیر اولسه ق . . . فقط اوصورتله که شرق وغربده کی جهانك هر طرفنده کی مسلمانلرك کویلرینه کلبه لرینه واریجه به قدر بتون سرائر روحیه سنی حیات سیاسی ، حیات اقتصادینی ، حقوق طبعیه سنك هانکیلرندن محروم ،

ایسه‌ده تربیه دینه‌سی مکمل اولان وقاب و فکرینی مخافه اللهک احاطه ایتدیکی برذات ایله تربیه دینه‌سی ناقص اولان ذات دیکرک اجرا آتی آراسنده کی تفاوتک دخی ندرجه عظیم اوله جنی آزاده بیاندر .

مع مافیه لایقوله تربیه کورمش بروجوددن وطنی تهابکیه القا ایده جک خطیئاتک ظهوری پک‌ده اوقدر قولای تصور اولنه‌ماز . نقصان تربیه هر حالده ام‌الذائلدر . تهذیب اخلاق، تنویر افکار ، تصفیه قلوب تصحیح عقیده کی مزایای علویه بشریه یی بحق ذهنلرنده یرلشدیرن اولاد وطن و وطنک قدسیتی، مشروطیتک علویتنی دیکرندن ده‌ها زیاده تقدیر ایلر . هیئت معززه علمیه‌نک جمله آثار دلالت وتوسطیله کشاداولنه جق اوکی مدارس عالی‌ده اخلاق فاضله اصحابندن مقتدر مدرس افندیلرک تعیینیله تربیه عمومی اسلامیه‌نک برسویه‌ده نشر وتعمیمی خصوصنده ابذال مساعی بیوریلورسه — انشاءالله الرحمن — شارقه اسلام آرزمان ایچنده شمعشه انداز مفارق انام اولور امید قویسنده‌یم . موفقیت حقنددر .

الهامی

مباحثات :

### رسم مصحف

صراط مستقیمک قرق آلتنجی نسخه‌سنده قرانی ملا محمود صادق طرفندن کوندربیلان خط مصحف سرلوحه‌لی بند مخصوصده قرانده بر هیئت علما تشکلی ایدوب مصاحف شریفه‌نک رسم و خطلری خصوصنده اجماع صحابه ایله عثمان ذی‌النورین حضرت‌تدرینک یازدینی مصحفلرک رسمه اتباعک وجوب وعدم وجوبی ملاحظه ومصاحف موجوده‌نک مصاحف عثمانیه‌یه مخالف یرلرینی تفتیش ایتدیلر ، بورا علماسنجیه اکثریت آرا ایله حق تظاهر ایتمش ایسه‌ده بوبابده مرکز خلافتده بولنان علمای کرامک ملاحظاتی نه‌دن عبارت اولدینی طلاق لسان وسلاست بیان ایله استفسار واستيضاح لئور .

جداً قرانده بولنان دین قرداشلریمزک بویله بر مسئله مهمه‌یی تذکر وعالم اسلامیتی خبردار ایتدکلرندن طولایی صلابت دینه‌لرینی تقدیر وعموم عثمانی اسلاملری نامنه ذوات مؤمی الهیحه شکرلر ایدرز واقطار ارضدن بولنان بتون اهل اسلامک هر بر امر خیرده اتحاد واتفاقه موفق اولملرینی جناب واهب العطا یادن کمال خضوع ونهایت خشوع ایله عن صمیم القلب رجا ونیاز ایلرز .

عاجزلری علمده سرمایه قلیله اصحابندن ایسه‌ده غیرت فطریه‌یم بومسئله‌یه‌ده بعض مطالعات بیاننه سوق ایتدیکنندن بوخصوصده نقصانی اعتراف وعجزی اقرار ایدرک اسباب ومسبباتی خلق ایدن الله تعالی‌یه استناداً علمای اعلام واسلاف ذوی الایترام کلاملرندن فهم واستخراج ایده‌یلدیکم نتیجه تبعاتی قرا وعلماء وفقهائمن انظار دقایقجویانه وآراء کشافانه‌لرینه اهم المهمات اولان بومسئله معضله‌نک

متقی دیکری شیطان طینتنده برجاهل برشقی اولدینی کوریلور . ایسته نسخه سابقه‌ده برتفصیل عرض اولنان اصول ایله مدارس لیلیه‌ده تعقیب تدریسات اولنه‌جق اولور ایسه یتشه‌جک فضلالی امت هم دینی هم دنیایی لایقوله اکلامش اوله‌جکلرندن حکومت مفخمة عثمانیه‌من — عون جلیل باری ایله — آرسنه ظرفنده فاتحارک ، سلیمارک دوره شوکت ودبدبه‌سنی آکدیره جق برمرتبه‌شکوه واحتشامه ایصال ایله‌جکلر .

برقوجه مملکته ، برولایت ، برعرصیه حق برقاریش طورراغه ویاخود بر آوج توزه جانندن محبت ، بردوشک‌ملک ابرازنده کی حکمت اوطوپراغت حدذاتنده کی قدر و قیمتندن دکل ، دین وایمان کی بر جوهره علویه معنویه‌نک اوطوپراغت تأمین سلامتی سایه‌سنده آنجق محافظه ایدیله‌بیله‌جکی ایچونددر .

یوقسه برانسانده حدذاتنده دین وایمان ، ناموس وحیثیت اولور . قدنصکره هر هانکی طورپراغه اولور ایسه اولسون ، نزدنده عموم ادیان ومذاهب مساوی اولسنه‌بناءً اوطوپراغه یاشامه‌سی‌ده مساویدر . حسابات فطریه بشریه‌نک بیوکی اولان وطن محبت ، ناموس ودین محافظه‌سنی کافل وبوامر محافظه ایسه مکمل مدرسه‌لرک وجودیله آنجق حاصل اوله‌بیله‌جکلندن هرولایتده برر مکمل مدرسه احداث وتشکیلله اولاد وطن بویله برر دارالفیض اسلامده تدریس وتربیه ایتدیرلدیکی تقدیرده دینمز شوائب زللدن مصون قاله‌جنی کی دنیا‌مزده بوندن صکره معمور اوله‌جغه قطعاً شبهه قالماز .

عکسی حائده‌دها چوق سنه سورمن ( العیاذبالله ) مدرسه‌لرک اکثری طبیعتیه مائل اندراس اولمقله حکومت اسلامیه‌نک ال بیوکی وبتون عالم اسلامیتک مرکز استنادی اولان حکومت علیه عثمانیه‌ده باشقه بررنکه کیره‌جکی ضروریدر . فضلالی بنامندن مناسرت مفتیسی رجب افندی قونقرده دیدیکی کی قسم اعظمی درست اوقومقدن بی‌بهره اولان کوی معلملرندن تدرس ایله مکاتب اعبادیه‌یه کیدن واوراده فلسفه دینه کوره‌میان زوالی چوجکلر نه‌درجه اسفناک بر حالده بولنه‌جکلرینه تأسف ایتماک الدن کلرز .

فقط برمنوال معروض هرولایتده ، اوله‌مدینی تقدیرده قرب وجواریتی حبسیله مرکز عد اولنه‌بیلیمسی قابل اولان ولایتده برآن اول کشادی عالم اسلامیت ایچون فرض عین مشابه‌سنده اولان لیلی مدرسه‌لرده علوم دینه ، فلسفه اسلامیه ، فنون متنوعه حاضره بر طرز مکملده تدریس اولنوبده بوکی مدارسدن نشأت ایده‌جک افندیلر امور حکومتده استخدام به‌شالایرسه بالجمله علوم وفنونه آشنا اولان وسن صباوتدن اکمال تحصیل قدر آیین اسلام اوزرینه تعلیم تربیه کورمش بولنان بوکی ذواتک اجرا آتی‌ده اودرجه مقارن عدل وحق اوله‌جنی وحکومت عثمانیه‌نک اونسبتده ترقیه بر استعداد سریع کوستره‌جکی برامر غیر منکردر .

( کرچه ملک دین ایله دکل ، آنجق عدل ایله بقا بولور . )